



Scoil Chualann

Polasaí Clárú Páistí

Ba mhaith le Bord Bainistíochta Scoil Chualann a chur in iúl gur leagadh síos an Polasaí seo de réir riachtanas an Acht Oideachais 1998. Glacann an leagan Gaeilge tosaíocht ar an leagan Béarla i gcás coimhlinte.

Fealsúnacht na Scoile

Bunaíodh Scoil Chualann le freastal a dhéanamh ar theaghlaigh Gaelacha agus ar thuismitheoirí a bhí ag éileamh bunoidéachas lán-Ghaeilge dá bpáistí. Tugtar tús áite sa scoil dá bhrí sin do pháistí atá á dtógáil le Gaeilge agus do pháistí a bhfuil roinnt mhaith Gaeilge acu ón mbaile.

- Is í an Ghaeilge teanga chumarsáide na scoile idir mhúinteoirí, pháistí agus thuismitheoirí.
- Is Scoil Náisiúnta í an scoil le hethos Chaitliceach agus is é Ard Easpag Chaitliceach Bhaile Atha Cliath patrún na scoile.
- Cuirtear fáilte roimh pháistí nach Caitlicigh iad ach atá báúil leis an sainmheon Caitliceach atá sa scoil.
- Cothaítear meas tríd an scoil ar chreideamh, ar thraidisiún, ar chultúr agus ar theanga gach páiste.
- Feidhmíonn an scoil faoi ghnáthrialacha na Roinne Oideachais agus Scileanna.

Is mian leis an mBainistíocht atmaisféar sona spreagúil a chothú, ina ndéantar cúram d'fhorbairt iomlán an pháiste – forbairt intleachtúil, fhisiciúil, chultúrtha, mhórála, spioradálta, shóisialta agus mhothúcháin. Cuirtear bunoidéachas trí mheán na Gaeilge ar fáil do pháistí agus cuirtear ar a gcumas a bheith ina gcainteoirí líofa Gaeilge. Cothaítear dúil sa Ghaeilge agus sa tsaíocht ghaelach i measc na bpáistí agus na dtuismitheoirí trí thimpeallacht iomlán gaelach a chothú.

Nuair atá siad ag roghnú na scoile, glacann na tuismitheoirí orthu féin an tacaíocht atá riachtanach a thabhairt dá bpáistí, do na múinteoirí agus don Bhainistíocht. Tá tacaíocht agus rannpháirtíocht na dtuismitheoirí riachtanach chun nach gclisfear ar aidhmeanna bunúsacha na scoile.

Is é an córas tumoideachais atá i bhfeidhm sa scoil. Tosaítear ar an mBéarla a theagasc nuair atá an páiste i Rang Naíonáin Mhóra (sa dara téarma).

Ranganna/Múinteoirí

Is scoil aon sraithe do bhuachaillí agus do chailíní í Scoil Chualann. Tá rang amháin againn de gach rang ó Naíonáin Bheaga go Rang 6. Cuimsíonn foireann na scoile, príomhoide riaracháin, múinteoirí ranga, múinteoirí tacaíocht foghlama agus múinteoir achmainne.

Aithnítear cearta tuismitheoirí a bpáistí a chlárú in a rogha scoile, ach tá Bord Bainistíochta Scoil Chualann freagrach freisin as cearta phobal na scoile fé chéile, agus go háirithe cearta na bpáistí atá cláraithe cheana féin sa scoil. Éilíonn sé seo breith chóir chothrom ag cur leas na bpáistí go léir san áireamh. Fógróidh an Bord Bainistíochta an tuasmhéid dalta a dhéanfar a chlárú don bhliain dár gcionn ag cruinniú na bliana sula dtosaíonn an páiste ar scoil.

Modh Cláraithe Naíonáin Bheaga (don scoilbhliain 2015/16 ar aghaidh)

Is gá do na daltaí a bheith ceithre bliana d'aois ar an 31 Márta sa bhliainfhéilire ina dtosaíonn siad ag dul ar scoil.

Bíonn foirmeacha léiriú suime ar fáil sa scoil an chéad choicíos i Mí Mhéan Fómhair na bliana sula nglactar leo. Iarrtar ar na tuismitheoirí/caomhnóirí an fhoirm léiriú suime, atá ar fáil sa scoil, a chomhlánú agus í a thabhairt ar ais chun na scoile. Iarratas láimhe atá i gceist anseo. Cuirtear ainm an dalta ar liosta léiriú suime na bliana cuí.

Ní hionann foirm léiriú suime chomhlánaithe agus dearbhú go mbeidh áit ar fáil sa scoil.

Tugtar admháil scríofa don tuismitheoir/chaomhnóir ag míniú dóibh go bhfuil ainm a bpáiste ar liosta léiriú suime na bliana cuí agus tugtar le fios go mbeidh an scoil i dteagbháil leo i nDeireadh Fómhair na bliana sula dtosaíonn an páiste ar scoil.

Cruinniú/Cuinnithe Eolais (don scoilbhliain 2015/16 ar aghaidh)

I Mí Mhéan Fómhair d'aon bhliain ar leith, seoltar litir chuig gach tuismitheoir/caomhnóir go bhfuil ainm a bpáiste ar liosta na n-iarratasóirí agus iarrtar orthu teacht ag cruinniú eolais i Mí Dheireadh Fómhair má tá spéis fós acu áit a lorg dá bpáiste.

Mínítear an polasaí iontrála ag an gcruinniú/na cuinnithe sin. Tabharfar na foirmeacha iarratais do na tuismitheoirí agus iarrfar orthu iad a líonadh taobh istigh de deich lá oibre ó dháta faoi leith.

Beidh an dualgas ar na tuismitheoirí a suim sa Ghaeilge a léiriú ar an bhfoirm iarratais. Is gá don tuismitheoir an t-iarratas a thabhairt/sheoladh ar ais chun na scoile. Glacfar le hiarratais poist. Cuirfidh an rúnaí scoile an t-am agus an dáta go ndéantar an t-iarratas a **sheachadadh chun na scoile** air. Tabharfar/cuirfear admháil scríofa don/chuig an tuismitheoir/chaomhnóir ina sonraítear an t-am den lá agus an dáta a fuarthas an t-iarratas.

Titeann an dualgas ar an tuismitheoir an t-admháil a chur ar fáil.

Déantar scagadh ar na foirmeacha iarratais.

Tugtar tús áite san ord seo do:

1. Páistí atá inniúil i labhairt na Gaeilge.
2. Páistí a bhfuil deartháir nó deirfiúr leo ag freastal ar an scoil
3. Páistí le múinteoirí buana sa scoil
4. Páistí ar mhian lena dtuismitheoirí go bhfaighidís a gcuid oideachais trí mheán na Gaeilge.
Is é sin le rá go ndéantar iarracht glacadh le méid áirithe teaghlach nua gach bliain.

Maidir le critéir 1 thuas:

Ceapfar Bord Measúnaithe (Príomhoide/Príomhoide Tánaisteach na scoile, Cathaoirleach na scoile nó ionadaí eile ón mbord ainmnithe ag an gcathaoirleach agus pearsan neamhspleách ainmnithe ag an mBord a bheidh ar an mBord seo) chun an chritéir seo a mheas agus chun a chinntiú go bhfuil nós imeachta follasach curtha i bhfeidhm ag an mBord.

Tosófar ar na háiteanna sa scoil a thairiscint san ord thuasluaite tar éis an deich lá atá thuasluaite .

Iarrfar ar na tuismitheoirí/caomhnóirí a chur in iúl don scoil i scríbhinn roimh dháta(coicís) ar leith go bhfuil sé i gceist acu glacadh/gan ghlacadh leis an áit sin.

Cuirtear in iúl do thuismitheoirí nuair atá áit á tairiscint dóibh gur scoil Chaitliceach, lánGhaeilge í Scoil Chualann agus gur ar an tuiscint seo a ghlacann siad le háit dá bpáiste.

Iarrfar orthu glacadh i scríbhinn le (a) rialacha agus sainmheoin na scoile agus (b) leis an gcód araíonachta agus iompair.

Nuair a bhíonn na háiteanna ar fad líonta, cuirfear é seo in iúl do na tuismitheoirí/caomhnóirí nach bhfuair áit. Fágfar na hainmneacha seo ar liosta feithimh san ord tosaíochta seo leanas :

Am,dáta a fuarthas an t-iarratas,

Páistí ag a bhfuil riachtanais speisialta oideachais

Cuirtear iarratas ar áit sa scoil do pháistí ag a bhfuil riachtanais speisialta oideachais ar an bhfoirm iarratais chaighdeánach. In éineacht leis an bhfoirm is gá go mbeadh tuairisc ar riachtanais oideachais an pháiste. Ionas go mbeidh dóthain ama ann chun riachtanais a mheas agus acmhainní a lorg, moltar iarratas a dhéanamh ar áit do pháiste ag a bhfuil riachtanais speisialta roimh 31 Nollaig na bliana sula mbeidh an páiste le tosú ar scoil.

Clárúchán i ranganna seachas Naíonáin Bheaga

Má tá spás ann, glacfar le páistí isteach i ranganna eile.

1. Má tá an dalta ag aistriú ó Ghaelscoil eile nó scoil Gaeltachta.
2. Má tá Gaeilge líofa ag an bpáiste

Is gá do thuismitheoirí/caomhnóirí ar mian leo páiste a chlárú in aon rang eile litir iarratais chuige sin a scríobh chuig Cathaoirleach an Bhoird Bhainistíochta.

Is gá dóibh freisin tuairiscí scoile agus aon eolas cuí eile a chur ar fáil, agus cead scríofa a thabhairt don scoil é seo a lorg.Is gá cead scríofa a thabhairt don phríomhoide dul i dteagbháil leis an scoil ina raibh an páiste.

Is é an Bord Bainistíochta a dhéanfaidh an cinneadh faoi pháistí a ghlacadh agus is leis an mBord amháin an cinneadh seo.

Achomarc

Is féidir achomarc a dhéanamh leis an Roinn Oideachais agus Scileanna faoi mhír 29 den Acht Oideachais 1998 sa chás go bhfuil tuismitheoir den tuairim nár cloídh le polasaí chlárúcháin na scoile.

Déanfar athbhreithniú ar an bpolasaí seo go tráthrialta.

Glactha ag Bord Bainistíochta Scoil Chualann ar an 10/9/2014

-----Cathaoirleach

-----Príomhoide